



## Universitätsbibliothek Paderborn

**Mvndvs Et Mvndi Partes, Divinæ Bonitatis Ac Ivstitiæ  
Præcones**

**Stengel, Georg**

**Ingolstadt, 1645**

§. 7. A terrenis gaudijs ac fugitiuis, æterna esse æstimanda.

[urn:nbn:de:hbz:466:1-52365](#)

## §. VII.

*A terrenis gaudijs ac fugitiis, aeterna esse  
estimanda.*

Spectaculum vnius diei, aliquot horatū conuiuum, symphonia breui tempore aures permulcens, magnum quid esse putatur: maius putaretur, si per duos dies, si per mensem, si per annum, duraret. Vni⁹ anni consulatus quanti est à Romanis factus? longè pluris dictatura per quinque-nium continuata; aut regnum imperium ue, tota vita, productum. Quanti ergo facienda est illa Diuorum sedes, ille honor, ille triumphus & gloria, qui finem nesciet? Si enim filij huius lucis, exiguis ipsis, & ferè momentaneis bonis, saepē ita capiuntur, ut se capere non possint; quo desiderio exardescere debemus, si bona summa, infinita, sempiterna nobis præparata videamus? In terris, vix acquirimus diuitias, & rursus amittimus; vix attingimus dignitates, & deponimus; vix gustamus voluptates, & auellimur. In cælo possidebimus opes, honores, delicias, non decem, centum, vel mille annis, sed aternas, sed sœculis nunquam desituri; quorum suauitas non sensim, & per successum, sed tota simul percipie-

cipietur, immēsa quadam accumulatione, infinitorum bonorum, in infinitum atque æternum, simul ac velut vna collectione fruendorum.

## §. VIII.

*Omne gaudium terra finis vile, cæli æternitas pretiosum facit.*

Disce hinc, ô quisquis es, seu juuenis, seu senex; diues & pauper; nobilis & ignobilis, agnoscere terræ vilitatem, & rerum terrenarum fluxarumq; vanitatem: disce pretium cæli & cælestium dignitatem æstimare, mundōq; tandem contempto, dicere: *Heu quam sordet terra, cum cælum afficio!* Qui enim tanta, in terris, mala, & tantilla, tamque caduca bona esse videt; in cælo autem omnia stabilia, fixa, æterna, summa, & summè bona reperiri intellexit, vel fatuus est, & excors, vel ista illis anteponit. Immò illa omnia nullius esse momenti judicat, si cum istis comparentur. Quidquid enim transit, postquam transiit, perinde est, ac si nunquam extitisset. Posse centum jugera, mille agros, immò mille regna; posside Crœsi opes; habe Xerxis potentiam, & omnem Persarum apparatus; omnem Sardanapali luxum; acquire quid-